

Na osnovu člana 50. stav 3. Zakona o zdravstvenom osiguranju ("Službene novine Federacije BiH", broj:30/97, 7/02, 70/08, 48/11 i 36/18), člana 19. Statuta Zavoda zdravstvenog osiguranja Bosansko-podrinjskog kantona Goražde, Upravni odbor Kantonalnog zavoda zdravstvenog osiguranja Goražde na 7 /sedmoj/ redovnoj sjednici održanoj 7.06.2018.godine, donosi:

ODLUKU

o visini , uvjetima i načinu korištenja naknade za putne troškove

I-Opće odredbe

Član 1.

Ovom Odlukom se utvrđuje visina, uvjeti i način korištenja naknade za putne troškove, koji se isplaćuju osiguranim osobama Zavoda zdravstvenog osiguranja Bosansko-podrinjskog kantona Goražde (u daljem tekstu: Zavod), u slučajevima i pod uvjetima određenim Zakonom o zdravstvenom osiguranju.

II-Visina i uvjeti i način korištenja naknade za putne troškove

Član 2.

Naknada za putne troškove, a u skladu sa članom 31. Zakona o zdravstvenom osiguranju ("Službene novine Federacije BiH", broj: 30/97, 7/02, 70/08, 48/11 i 36/18) pripada osiguranim osobama koje su upućene od strane nadležnog doktora medicine koji je preporučio liječenje i ljekarske komisije Zavoda na liječenje izvan mjesta prebivališta u ugovorenu zdravstvenu ustanovu, ako je zbog korištenja zdravstvene zaštite iz obaveznog zdravstvenog osiguranja potrebno prethodno navedeno.

Ukoliko nema javnog prijevoza ili zdravstveno stanje osigurane osoba zahtjeva drugu vrstu prijevoza, odobrava se odgovarajući prijevoz, odnosno naknada za njegovo korištenje. Naknada putnih troškova pripada osiguranim licima za najkraću udaljenost od doktora medicine odnosno zdravstvene ustanove i to u visini troškova prijevoza javnog sredstva. Osigurana osoba navedeno pravo ostvaruje temeljem priložene dokumentacije iz člana 8.ove Odluke i Cjenovnika usluga javnog prijevoza-cijena povratne autobuske karte.

Član 3.

Pod troškovima iz člana 1. ove Odluke, ne podrazumijeva se prijevoz kolima hitne pomoći.

Član 4.

Osigurane osobe imaju pravo na naknadu putnih troškova iz člana 2. ove Odluke:

- I. Ako su upućena doktoru medicine ili u zdravstvene ustanove u najbliže mjesto, zato što u mjestu u kojem rade ili u kojem imaju prebivalište odnosno boravište, nema doktora medicine odgovarajuće specijalnosti i
- II. Ako ih izabrani doktor medicine uputi ili pozove u mjesto izvan rada ili prebivališta, odnosno boravišta.

Član 5.

Osiguranoj osobi koja je morala putovati radi ostvarivanja prava u smislu člana 2. ove Odluke pripada naknada putnih troškova pod uvjetom:

- a) Da je udaljenost od mjesta polaska do mjesta najbližeg doktora medicine, odnosno zdravstvene ustanove veća od 110 km.
- b) Da je osigurana osoba upućena na liječenje u drugu zdravstvenu ustanovu temeljem:
 - odluke Komisije za liječenje van kantona Zavoda

Član 6.

Osiguranoj osobi kojoj je odobrena zdravstvena usluga liječenja, ista ostvaruje pravo na naknadu za putni trošak za svaki odlazak u ugovorenu zdravstvenu ustanovu, temeljem jedne uputnice i priložene dokumentacije iz člana 8. ove Odluke.

Član 7.

Pravo na naknadu putnih troškova, u skladu s odredbama ove Odluke ima i pratitelj, ukoliko je isto odobreno od strane doktora medicine koji je preporučio liječenje i Komisije za liječenje van kantona Zavoda.

Potreba pratitelja jednog roditelja ili staratelja se pretpostavlja djeci do 18-e godine života, bez obzira na uputnu dijagnozu.

Član 8.

Korisnik naknade putnih troškova iz Člana 2. ove Odluke u roku od 30 dana od dana završetka liječenja dostavlja poslovnici Zavoda zdravstvenog osiguranja Bosansko - podrinjskog kantona Goražde zahtjev za obračun i isplatu putnih troškova. Uz isti prilaže slijedeće:

- medicinsku dokumentaciju iz koje se može utvrditi da je obavljeno liječenje osiguranog lica u zdravstvenoj ustanovi van područja Kantona (uputnica, otpusno pismo, historija bolesti, nalaz i mišljenje ljekara)
- kopiju Odluke od strane komisije za liječenje van kantona
- kopiju transakcijskog računa,
- kopija zdravstvene legitimacije.

III-Prijelazne i završne odredbe

Član 9.

Donošenjem ove Odluke stavlja se van snage Odluka broj: 14- 1756-2 /18 od 22.05.2018. godine.

Član 10.

Odluka stupa na snagu danom donošenja od strane Upravnog odbora, a objavit će se na oglasnoj tabli Zavoda i na Web stranici Zavoda.

Zavod zdravstvenog osiguranja
BPK-a Goražde
Upravni odbor

Broj:14-1961-4/18
Goražde, 07.06.2018. godine

Predsjednik Upravnog odbora

Nermin Papračanin

